



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-I/25-1-40-313-10/21**

Datum: **31.01.2022. godine**

«Agencija za vodno područje rijeke Save» Sarajevo rješavajući po zahtjevu podnesenom od strane Općine Ilidža u postupku izdavanja prethodne vodne saglasnosti za aktivnost prosijecanja šume na trasi žičare „Vrelo Bosne – Golo Brdo“ na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), **donosi**

RJEŠENJE

Odbija se zahtjev Općine Ilidža, Službe za razvoj, komunalne poslove i puteve, za izdavanje prethodne vodne saglasnosti za aktivnost prosijecanja šume na trasi žičare „Vrelo Bosne – Golo Brdo“, na području općine Ilidža, kao neosnovan.

Obrazloženje

Aktom broj: 12-SI/1005/21 od 06.07.2021. godine, općina Ilidža je dostavila zahtjev za izdavanje rješenja o prethodnoj vodnoj saglasnosti za prosijecanje šume na trasi žičare „Vrelo Bosne – Golo Brdo“, na području općine Ilidža, a u postupku pribavljanja urbanističke saglasnosti i okolinske dozvole.

U provedenom postupku dostavljena je i pregledana slijedeća dokumentacija:

- Studija za izdavanje prethodne vodne saglasnosti za idejni projekat „Izgradnja isklopive kabinske gondole/žičare GLD8 „Ilidža“, Vrelo Bosne - Golo Brdo, Igman;
- Odluka broj: 01-31-5570/19 od 26.12.2019. godine kojom se utvrđuje da je od javnog interesa izgradnja kabinske žičare GLD8 „Ilidža“, Vrelo Bosne – Golo Brdo, Općinsko vijeće, Općine Ilidža (kopija);
- Rješenje o urbanističkoj saglasnosti broj: 03-23-25-2579/19 od 19.09.2019. godine izdato od strane Službe za prostorno uređenje Općine Ilidža (važeće do 09.10.2021. godine);
- Lokacija objekta R 1:5000, broj: 03-23-2579/19 od 12.09.2019. godine, Služba za prostorno uređenje Općine Ilidža;
- Poziv Ministarstva privrede KS broj: 07-05-21-1373-1/20 od 20.04.2020. godine za upotpunu zahtjeva, traži se;
- Zapisnik sa sastanka broj: 02-19-747/20 od 23.03.2020. godine na temu „usklađenost planiranih aktivnosti na prostorno-planskoj dokumentaciji u vezi projekta Žičare Vrelo Bosne – Golo Brdo na području općine Ilidža, Zavod za planiranje razvoja Kantona, Kanton Sarajevo, (kopija);
- Informacija po zahtjevu za stručno mišljenje o usklađenosti planiranih aktivnosti sa prostorno-planskom dokumentacijom u vezi projekta Žičare Vrelo Bosne – Golo Brdo na teritoriji općine Ilidža, broj: 02-19-747/20 od 27.03.2020. godine, Zavod za planiranje razvoja Kantona, Kanton Sarajevo, (kopija);
- Izvod iz prostornog plana Kantona Sarajevo za period od 2003 do 2023 godine, Zavod za planiranje razvoja Kantona Sarajevo R 1:25000 i R 1:10000 (kopija).

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska dopisom broj: UP-I/25-1-40-313-2/21 od 19.07.2021. godine u kojem je zatraženo od podnosioca zahtjeva da isti upotpuni u ostavljenom roku od 20 dana od dana urednog prijema dostavljene obavijesti. Zahtjevom za dopunu podneska je pored opšte dokumentacije zatražena je i *Saglasnost KJKP „Vodovod i kanalizacija“ d.o.o. Sarajevo kao upravitelja vodozaštitne zone i pripadajućih vodnih objekata.*

Dana 11.08.2021. godine podnosilac je dostavio molbu za produženje roka za dostavu podataka te je dopisom broj: UP-I/25-2-40-313-4/21 od 13.08.2021. godine odobreno produženje roka do 03.09.2021. godine.

Obzirom da tražena dopuna dokumentacije nije dostavljena u datim rokovima dana 12.10.2021. godine dopisom broj: UP-I/25-2-40-313-5/21 Podnosiocu je upućena urgencija za hitno izjašnjavanje po ovom pitanju u roku od 5 dana od dana prijema dopisa.

Prema navedenom, podnosilac je dana 22.10.2021. godine dostavio molbu za ponovno produženje roka za dostavu podataka te je dopisom broj: UP-I/25-2-40-313-7/21 od 28.10.2021. godine odobren novi rok do 19.11.2021. godine.

Dana 10.11.2021. dostavljena je tražena dopuna dokumentacije shodno aktu UP-I/25-1-40-313-2/21 od 19.07.2021. godine i to:

- Uvjerenje o registraciji/upisu u jedinstveni registar obveznika indirektnih poreza;
- Uvjerenje o registraciji poreskog obveznika sa identifikacijskim brojem;
- Izvadak br. 140 od 09.08.2021. godine o uplati iznosa od 80 KM i
- Odgovor KJKP "Vodovod i kanalizacija" u vezi tražene saglasnosti.

Uvidom u dostavljeni odgovor broj: 3819/21 od 26.10.2021. godine utvrđeno je da KJKP "Vodovod i kanalizacija" d.o.o. Sarajevo nije dalo traženu saglasnost za predmetnu aktivnost.

Obzirom da tražena dopuna dokumentacije nije potpuna, dana 18.11.2021. godine dopisom broj: UP-I/25-2-40-313-9/21 podnosiocu je upućen zahtjev za dopunu podneska, u roku od 20 dana, u kojem je zatraženo da zahtjev upotpuni slijedećim dokumentima:

- Stručno mišljenje Zavoda za planiranje razvoja Kantona Sarajevo kojim se potvrđuje da je planirana aktivnost usklađena sa prostornim planom Kantona Sarajeva;
- Akt nadležne institucije da je provedena procedura procjene uticaja na okoliš, za predmetnu aktivnost;
- Pismeno očitovanje operatera vodovodnog sistema, KJKP „Vodovod i kanalizacija“ d.o.o. Sarajevo koje od planiranih aktivnosti se mogu realizovati na terenu (zemljani radovi, iskopi, prosijecanje i krčenje šume i niskog rastinja, izgradnja donje polazne stanice, izgradnja izlazne stanice, stubova, garaže i pratećih objekata i sadržaja), koje aktivnosti na terenu su zabranjene, a koji se mogu realizirati uz odgovarajuća ograničenja i uslove. Operater vodovodnog sistema, KJKP „Vodovod i kanalizacija“ d.o.o. Sarajevo je u skladu članom 26. važeće Odluke o zaštiti izvorišta vode za piće u „Sarajevskom polju“ koja je donesena od strane Skupštine grada Sarajeva (Službene novine grada Sarajeva 2/87) „dužan unutar zaštitnog područja vršiti ispitivanje kvaliteta i količine površinskih i podzemnih voda i preduzimati mjere za zaštitu izvorišta“;
- Dozvolu za zahvate i radnje u zaštićenim kategorijama obzirom da se planirani objekat nalazi u obuhvatu Spomenika prirode „Vrelo Bosne“, što je propisano članom 159. Zakona o zaštiti prirode („Službene novine Federacije BiH“, broj 66/13), tj. da su planirani zahvati u prostoru na području obuhvata Spomenika prirode Vrelo Bosne usklađeni sa Planom upravljanja istog.

U utvrđenom roku u aktu broj: UP-I/25-2-40-313-9/21 od 18.11.2021. godine za dostavu dopune podneska i dopunjene Studije zaključno sa današnjim danom podnosilac zahtjeva ovoj Agenciji nije dostavio traženo.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Na osnovu utvrđenih novih činjenica u skladu sa članom 139. stav 1. Zakona o vodama («Službene novine Federacije BiH», broj 70/06) i članom 200. stav (1) Zakona o upravnom postupku («Službene novine Federacije BiH», broj 2/98 i 48/99) riješeno je kao u dispozitivu rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema ovog Rješenja. Žalba se predaje ovom organu neposredno ili preporučeno poštom. Žalba se taksira sa 15 KM administrativne takse, prema tarifnom broju 3. Tarife federalnih administrativnih taksi.

Voditelj postupka

Nihad Pezo, dipl.inž.građ.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ.

Dostaviti:

- Općina Ilidža, Služba za razvoj, komunalne poslove i puteve, ul. Butmirska cesta br. 12, 71210 Ilidža
- ⊖ AVP Sava, ISV-vodna knjiga
- Org.jed. 40, arhiva
- AVP Sava – Oglasna ploča